

法苑珠林

叢刊

中國書店

海王邨古籍丛刊

法苑珠林

上

中國書局

法苑珠林

*
中国书店 出版

新华书店首都发行所发行北京顺义县板桥印刷厂印刷

*
850×1168 1/32 印张：44.125

1991年8月第1版 1991年8月第1次印刷

印数：0 001—0 800

ISBN 7-80568-288-7/B·13

定价：36.00元

法苑珠林序

朝散大夫蘭臺侍郎隴西李儼仲思撰

洎夫六爻爰起八卦成列肇有書契照乎訓典鳳篆龍圖金簡玉字百家異轍萬卷分區雖理究精微言彈物範而紀情括性未出於寰中原始要終詎該於俗外亦有藏史之說國史之談實經浮誕錦籍紆怪同鑠冰而無成若書空而匪實與夫貫華妙旨寫葉元詞三乘之宏博八藏之沈秘競以淺深較其優劣亦猶蟻蚌之小比陵於嵩華牛涿之微爭長於江漢夫其顯了之義隱密之規解脫之門總持之苑前際

法苑珠林序目

後際並契真如初心末心咸歸正覺導迷生於慾海情塵共心垢同消引窮子於慈室衣寶與髻珠雙至化溢恆沙之境功被微塵之劫大哉至矣不可得而稱焉泊偕雨微周佩日通漢蔡情西涉竺蘭東遊金口之詞寶臺之旨盈纖積穢被乎中域而卷軸繁夥條流深廣實相眞源卒難詳覽暨我皇唐造物聖上君臨元教聿宣繙徒允洽傳輝寫液照潤區宇梵響讚音鳴咽都甸安宣之盛指喻難極屬有西明大德道世法師字元暉是釋門之領袖也幼嶷聚砂落飾緜衣之歲慈殷接蟻資成具受之墳戒品圓明與吞

法苑珠林序目

珠而等護律義精曉隨照鏡而同欣愛慕大乘洞明實相爰以英博召居西明遂以五部餘閑三藏徧覽以爲古今綿代制作多人雖雅趣佳詞無足於傳記所以寧文囿之菁華煥大義之菁藟以類編錄號曰法苑珠林事總百篇勒成十帙義豐文約紐虞氏之博要跡宣道鏡旃祐上之宏明其言以美其道斯著舉至隨而無遺包妙門而必盡但文繁則情墮義略則寡聞不欲虛構浮詞假盈卷軸以事不可卻文翰以多披覽日久還知其要故於大唐總章元年歲在執徐律惟姑洗三月三十日纂集斯畢庶使緝元詞者探卷而得意珠軌正道者披文而飲甘露釋之以知微觀之而觀奧與環景而齊照將旋穹而共久

法苑珠林卷第一

唐 西明寺沙門釋道世撰

劫量篇第一劫災有二
一小二大

○第一小三災部別有六部

述意部

疫病部

刀兵部

饑饉部

相生部

對除部

述意部第一

夫劫者蓋是紀時之名猶年號耳然則時無別體約法而明所以聖教安宣多所攸載者雖非理觀之沖規亦懲勸之幽旨也若乃涉迷津於曩識微塵之數

法苑珠林奇

二

易窮返覺路於初心僧祇之期難滿此迷悟之異也自有無間獄中等芥城而限命先行天上儻衣石以受形此善惡之殊也至若娑婆世界謂俄頃爲百齡袈裟剝土將永劫以溼日斯染淨之別也統而言之不過大小大小之內各有三焉大則水火風而爲災小則刀饑疫以成害是知六年華觀終焚蕩於沈灰千梵瓊臺卒漂淪於驟雨加復診候無徵鬱祈失效霜戈接刃星劍交鋒酷毒生人崩亡殆盡恐三界而未悟嗟六道而悲夫

疫病部第二

依智度論云何名爲劫答曰依西梵正音名爲劫

劫者亦名劫波素戾陀者秦言善有二名舊

故名賢又立世阿毗曇論云佛世尊說一小劫者名

爲一劫二十小劫亦名一劫四十小劫者亦名一劫

六十小劫亦名一劫八十小劫名一大劫云何一小

劫名爲一劫是時提婆達多比丘住地獄中受熟業

報佛說住壽一劫云何二十小劫亦名一劫如梵眾

天二十小劫是其壽量佛說住壽一劫三何四小

劫亦名一劫如梵輔天壽量四十小劫佛說住壽一

劫云何六十小劫亦名一劫如大梵天壽量六十小

法苑珠林卷

二

劫佛說住壽一劫云何八十小劫名一大劫佛說劫中世界經云二十小劫壞次經二十小劫壞已空次經二十小劫起成次經二十小劫起成已住是二十小劫起成已住者幾多已過幾多未過八小劫已過十一小劫未來第九劫現在未盡此第九一劫幾多已過幾多未來定餘六百九十年在至梁末已卯年是二十小劫中開有三小災次第輪轉一疾疫災二刀兵災三饑饉災此三小災諸經論列名前後不同次列饑饉後列疫病若依長阿含中說世尊初劫刀兵次列疫病後列饑饉若依俱舍論則對法論等初劫次劫後列刀兵若據年月長短今且依立世阿毗曇次第依論對法論者是也

論之此卽第九中卽當第三災此劫由饑餓故盡佛言是二十小劫世界起成得住中第一劫小災起時有大疾疫種種諸病一切皆起閻浮提中一切國土所有人民等遭大疾疫一切鬼神起瞋惡心損害世人壽命短促唯住十歲身形瘦小或二搥手或三搥手於其自量則八搥手所可資食糈稗爲上人髮衣服以爲第一唯有刀杖以自莊嚴是時諸人不行正法非法貪著邪見等業日夜生長諸惡鬼神處處損人是時大國王種悉皆崩亡所有國土次第空廢唯有小郡縣是其所餘相去遼遠各在一處如是人者

法苑珠林卷一

三

疾病困苦無人布施湯藥飲食以是因緣壽命未應盡橫死無數一日一夜無量眾生疾病疫死由行惡法得是果報於此中生劫濁而起捨命已後墮三惡道時一郡縣次復荒蕪唯少家在相去轉遠各在一處疾疫死者無人送埋是時土地白骨所覆乃至居家次第空盡是時劫末唯七日在於七日中無量眾生遭疫死盡設有在者各散別處時有一人合集閻浮提內男女唯餘一萬畱爲當來人種唯此萬人能持善行諸善鬼神欲令人種不斷絕故擁護是以好滋味令入毛孔以業力故人種不斷過七日後是

大疫病一時息滅一切惡鬼皆悉捨去隨諸眾生飲食衣服應念所須天卽雨下陰陽調和美味出生身形可愛安樂無病譬如親愛久不相見忽得聚集生喜樂心共相擁持不相捨離是前劫人壽命十歲後劫人民從其而生壽命最長二十歲如此功德自然得成與善法相應身口意善捨壽命後生善道中從天捨命還生人道自然賢善戒品具足捨壽已後更生天道久久如是初劫中間疫病窮盡次第二劫來續二十歲是劫中間第一壽量是人從前二十歲人所生神力自在資生具足壽命四十歲人

法苑珠林卷一

四

天道生久久如是說名第二劫中間第二壽量四十二歲資生具足壽命六十歲久久如是說名第三劫中間第三壽量六十歲從六十歲至八十歲是時女年五百歲爾乃行嫁是時諸人唯有七病謂大小便利寒熱淫慾飢老等如是時中一切國土富貴豐樂無有怨賊反逆盜竊村落次比雜鳴相聞耕種雖少收實巨多衣服財寶稱意具足安坐受樂無所馳求壽命八十年歲時住阿僧祇年乃至眾生未起十惡從起十惡因此百年則減十歲次復百年復減十歲次第漸減至餘十歲最後十歲住不復減

長極八萬短至十年若佛不出世次第如此若佛出世如正法住眾生壽命暫住不滅隨正法稍減壽命漸減

刀兵部第二

依立世阿毗曇論云佛說一小劫者名爲一劫如是同前乃至八十小劫名大劫中至二十小劫起成住中第二小災起由大刀兵人壽十歲時三毒邪見日夜生長父母兄弟眷屬互相鬪諍何況他人是時諸人起鬪諍已仍相手舞或以瓦石刀仗互相怖畏四方諸國互相伐討一日一夜害死無量如是過

法苑珠林卷一

五

失自然而生人行不善得是果報於此中生劫濁而起是時人家一時沒盡縱有餘殘各各分散是時劫未餘七日在於七日中手執草木卽成刀仗由此器仗互相殘害怖畏因死是時諸人怖懼刀仗逃竄林藪或渡江水隱蔽孤洲或入坑窟以避災難或時相見仍各驚走恐怖失心或時仆地譬如麀鹿遭逢獵師如是七日刀兵橫死其數無量設有在者各散別處時有一人合集閭浮提男女唯餘一萬箇爲當來人種於是時中皆行非法唯此萬人能行善法諸善鬼神欲令人種不斷絕故擁護是人以好滋味令人

毛孔以業力故於劫中間留人種子自然不斷過七日後是大刀兵一時息滅一切惡鬼皆悉捨去隨諸眾生所須衣食應念所須天即雨下陰陽調和美味出生身形可愛相好還復一切善法自然而起清涼寂靜安樂無病慈悲心起無惱害意互得相見生喜樂心譬如親愛久不相見忽得聚集生喜樂心其相謂持不相捨離從其十歲展轉行善生人天中至二十歲乃至壽命八千歲住阿僧祇年自別同前不須重述饑饉部第四

依立世阿毗曇論云從一小劫乃至八十小劫住劫

法苑珠林卷一

六

中第三劫小災起時由大飢饉災欲起時由天亢旱一切人民遭大疾疫一切鬼神起瞋惡心損害世人壽命短促唯住十歲身形短小或二三搥手所食穉穉人髮爲衣猶爲上服刀仗白嚴不相恭敬貧窮困苦愚癡邪見日夜生長穀貴饑饉舍羅柯行見他資糧便往奪食以此因緣餓死無數一切眾生劫濁中自然而起造作惡業天不降雨四五年中由大旱故覓生草菜尚不可得何況米穀一切禽獸悉取食之於一日一夜飢餓死者其數無量郡縣空盡唯少家在相去轉遠不行正法三毒轉盛貧窮困苦日夜

相應是時六七年開天不降雨由大旱故思欲見水尚不可得何況飲食是劫中閉隳七日在二日一夜餓死無數縱有在者各散別處時有一人合數間浮提內男女大小共一萬人留爲當來人種人能行善諸善鬼神欲令人種不斷絕故燒燒是人以好滋味令人毛孔以藥力故人種不斷過七日後是飢餓一時息滅一切惡鬼皆悉捨去所須衣食天即雨下陰陽調和美味出生身形可愛相好還復一切善法自然而起清涼寂靜安樂無病慈悲入心無情害惡如親愛久不相見忽得聚集生喜樂心其相攝持不

法苑珠林卷

七

相攝持從於十歲展轉行善生人天中壽命長遠至二十千歲乃至八十千歲自外法因通同初述中三災各經七日若依餘經論說饑饉七年故論伽論云謂人壽三十歲時方始建立當爾之時精妙飲食不可復得唯願意得將其爲謙會若遇得一粒稻麥粟稗等子重若末尼摩竭置箱篋而守護之彼諸有情多無氣勢雖在地不復能起由饑餓故有情之類亡沒殆盡如此飢災經七年七月七日七夜方乃得過彼諸有情復共聚集起下厭離由此因緣壽不退減後災遂息又若人壽二十歲時本起厭慮今

乃退捨爾時多有疫氣瘴癘災橫熾熾相續而生彼諸有情遇此諸病多悉損沒如是病災七月七日七夜方乃得過彼諸有情復共聚集起中厭離由此因緣壽量無減病災乃息又人壽十歲時本起厭慮今還退捨爾時有情展轉相見各起猛烈殺害之心由此因緣隨執草木及以瓦石皆成最極銳利刀劍更相殘害死喪終盡如是刀災極經七日方乃得過

相生部第五

依中阿舍經云過去有輪王出世名曰頂生奉持法齋修行布施國中貧者出財用給後經多時然國中

法苑珠林卷

八

有貧窮者不能出物用給乏人轉窮困因窺便盜他物其主捕伺收縛送詣刹利頂生王所白曰天王此人盜我物願天王治王問彼人曰汝實盜耶彼曰實盜所以者何以貧困故若不盜者便無自濟王即出財而給與之語盜者曰汝等還去後莫復作由斯之故人作是念我等亦應盜取他物於是各競行盜是謂因貧無物不能給極故人轉窮困因盜滋甚故後人壽轉減形色轉惡又壽八萬歲子壽四萬歲彼人壽四萬歲時有人復盜送王王問已便作是念若我國中有盜他物更出財物盡給與者如是竭滅盜

遂滋甚我今寧可作極利刀若我國中有偷盜者便
 收捕取坐高標下斬截其頭作此念已便救行之於
 後彼人效此利刀持行劫物捉彼物主截斷其頭因
 貧盜甚刀殺轉增故彼人壽轉減形色轉惡父壽四
 萬歲子壽二萬歲人壽二萬歲時彼盜者便作是
 念王若知實或縛鞭我或擯罰錢或買標上我寧妄
 言欺誑王耶念已白王我不偷盜是為因貧無物不
 能給恤盜殺轉增便妄言兩舌故彼人壽轉減形色
 轉惡父壽二萬歲子壽一萬歲人壽一萬歲時人便
 嫉妬邪淫轉增故彼人壽轉減形色轉惡父壽一萬

法苑珠林卷一

九

歲子壽五千歲人壽五千歲時三法轉增非法欲惡
 貪邪法故父壽五千歲子壽二千五百歲人壽二千
 五百歲時復三法轉增兩舌讒言綺語故彼壽轉減
 形色轉惡故父壽二千五百歲子壽千歲人壽千歲
 時一法轉增邪見是也因一法增故彼人壽轉減形
 色轉惡父壽千歲子壽五百歲人壽五百歲時彼人
 不孝父母不能尊敬沙門梵志不行順事不作福業
 不見後世罪故父壽五百歲子壽二百五十歲或二
 百歲今若長壽或壽百歲或不啻者佛復告比丘曰
 未來久時人壽十歲女生五月即便出嫁人壽十歲

時有殺名稗子為第一美食如今杭糧以為上饌所
 有酥油鹽蜜甘蔗一切盡沒唯行十惡業道者為人
 所敬都未有善母於其子極有害心子亦於母極有
 害心父子兄弟姊妹親屬展轉相向有賊害心猶如
 獾師見彼鹿已極有害心人壽十歲時有七日刀兵
 劫盛彼若捉草即化成刀若捉藤木亦化成刀以此
 刀兵各各相殺彼於七日刀兵劫過七日便止爾時
 亦有人生慙恥羞愧厭惡不愛彼人七日刀兵起時
 便入山野在隱處藏過七日已則從山野於隱處出
 更互相見生慈愍心極相愛念猶如慈母唯有一子

法苑珠林卷一

十

與久離別遠來相見情極愛念便作是語諸賢我今
 相見令得安隱我等由昔生不善心令親族死盡我
 等(等)可共行善法離斷殺業行善法已壽便轉增形
 色轉好壽十歲人生子壽二十壽二十人復作是念
 若求善者壽色轉好我等應可更增行善共離不與
 取行是善已壽便轉增人生子壽四十歲復離邪淫
 行是善已壽色轉好人生子壽八十歲復離妄言行
 是善已壽色轉好人生子壽百六十歲壽百六十已
 復離兩舌行是善已壽色轉好人生子壽三百二十
 歲復離癡言行是善已壽色轉好人生子壽六百四

十歲復離綺語行是善已毒色轉好人生子壽二千
五百歲復離貪嫉行是善已毒色轉好人生子壽一萬
千歲復離瞋恚行是善已毒色轉好人生子壽二萬歲
復離邪見行是善已毒色轉好人生子壽二萬歲
復離非法欲惡貪行邪法我等當可離此三惡不善
法行是善已毒色轉好人生子壽四萬歲壽四萬歲
時孝順父母尊重恭敬沙門梵志奉行順事修習福
業見後世罪行是善已人生子壽八萬歲人壽八萬
歲時此閻浮洲極大豐樂多有人民村邑相近如雞
一飛女年五百歲乃當出嫁唯有七病寒熱大小便

法苑珠林卷一

十一

利婬欲飢食老等更無餘患時有王名螺爲轉輪王
聰明智慧有四種軍整御四天下七寶千子具足端
正勇猛無畏能伏他眾統領大地乃至大海不以刀
杖以法教令得安樂餘有疾病饑餓作

對除部第六

依新婆沙論云然有聖言說彼對治謂若有能一日
一夜持不殺戒於未來生決定不逢刀兵災起若能
以一詞梨担雞果起股淨心奉施僧眾於當來世決
定不逢疫疠災起若能以一團食施諸有情於未來
世決定不逢饑饉災時間如是三災餘洲有不若無

根本災而有相以謂墮增盛身力羸劣數加飢渴此
說二洲北拘盧洲亦無罪業而生彼故又彼無有墮
增盛故

述曰眾生固執無思慢慳慳貪嫉妬惡業逾盛所以
人情險惡凶毒凶流今入末法人物俱惡所有依正
兩報致令日夜衰耗故付法藏經云阿怒迦王自爲
僧行食時實頭盧用酥澆飯阿怒迦王自言大聖酥
性難消能不爲疾尊者答曰不爲患也何以故佛在
時水與今酥等是故食之終不成病爾時尊者欲驗
斯事使手入地下至四萬二千餘里即取地肥而示

法苑珠林卷一

十三

於王王今當知眾生薄福肥膩之味皆流入地是故
世間福轉衰滅王供養已歡喜而退良由世尊韶光
未盈百年尚有斯徵況今向有二千豈有精味故瑜
伽論云三災之時爾時有情復有三種最極衰損毒
量衰損依止衰損實具衰損毒量衰損者所謂毒量
極至十歲依止衰損者謂其身量極至一握手或復
一握資具衰損者爾時有情唯以粟稗爲食中第一
以髮爲衣中第一以鐵爲莊嚴中第一五種上味悉
皆隱沒所謂酥蜜油鹽等味及甘蔗變味

○第二大三災部此有四部

時星部第一

依新婆沙論云劫有三種一中間劫二成壞劫三大劫中間劫復有三種一減劫二增劫三增減劫滅者從人壽無量歲減至十歲增者從人壽十歲增至八萬歲增減者從人壽十歲增至八萬歲復從八萬歲減至十歲此中一減一增十八增減合二十中劫世間成二十中劫成已任此合名成劫經二十中劫世間壞二十中劫壞已空此合名壞劫總八十中劫合名大劫成已任中二十中劫初一唯減後一唯增中間十八亦增亦減故對法論云由此劫數顯色無色界諸天壽量也

法苑珠林卷一

十三

時節部第二

依奘法師西國傳云陰陽愆運日月旋璣稱謂雖殊時侯無異隨其星建以標月名時極短者謂之剎那也如新婆沙論云彼剎那量云何可知有作是言依施設論說如中年女緝績時抖抖細毛不長不短齊此說為但剎那量彼不欲說毛縷短長但說蠶毛從指開出隨所出量是但剎那問前問剎那何緣乃引施設論說但剎那量若此中舉蠶以顯於細以細

難知不可顯故謂百二十剎那成一恒剎那六十恒

剎那成一臘縛此有七千二百四十三臘縛成一牟呼栗多此有二百一十六千剎那三十牟呼栗多成一晝夜此有少二十不滿六十五百千剎那此五續一晝一夜經於爾所生滅無常有說此際非剎那量如我義者如壯士彈指頃經六十四剎那有說不然如我義者如二壯夫擊斷眾多迦尸細縷隨爾所縷斷經爾所剎那有說不然如我義者如二壯夫執挽眾多迦尸細縷有一壯夫以至那國百餘國捷疾而斷隨爾所縷斷經爾所剎那有說猶非剎那

法苑珠林卷一

十四

量實剎那量世尊不說如世尊說譬如四善射夫各執弓箭相背攢立欲射四方有一捷夫來語之曰汝等今可一時放箭我能遍接俱令不墮於意云何此捷疾不若弱白佛甚疾世尊佛言彼人不及地行藥叉地行捷疾不及空行藥叉空行捷疾不及四大王眾天彼天捷疾不及日月二輪二輪捷疾不及堅行天子此薄日月輪車者此等諸天展轉捷疾壽行生滅捷疾於彼剎那流轉無有暫停由此故知世尊不說實剎那量問何故世尊不為他說實剎那量若無有有情堪能知故又依安般經云於一彈指頃心有

九百六十轉又仁王經云一念有九十剎那一一剎那中復有九百生滅又菩薩處胎經云一彈指頃有三十二億百千念念成形成形形皆有識佛之威神入微識中皆令得度又毗曇論合有十二重一名剎那二恒剎那三名羅婆四名摩跋羅五名日夜六名半月七名一月八名時九名十名年十一名雙十二名劫一剎那者翻爲一念百二十剎那爲一恒剎那翻爲一瞬六十恒剎那爲一息一息爲一羅婆三十羅婆爲一摩跋羅翻爲一須臾三十摩跋羅爲一日一夜計有六百三十八萬剎那僧祇律云二十

法苑珠林卷一

十五

念爲一瞬二十瞬名一彈指二十彈指名一羅婆二十羅預名一須臾一日一夜有二十須臾日極長時書有十八夜有十二極短時書有十二夜有十八春秋分便等又智度論云晝夜六分有三十時春秋分時晝夜各十五時餘時增減五月晝時有十八夜有二十十一月夜時有十八晝有十二依法法師西國傳云居偈日夜分爲八時謂晨夜各二時月盈至滿謂之白分月虧至晦謂之黑分或十四日十五日月有大小故也白前黑後合爲一月六月合爲一百日遊在西北行也日遊在外南行也經此二行合爲一

歲又分一歲以爲六時正月十五日至三月十五日漸熱也三月十六日至五月十五日盛熱也五月十六日至七月十五日雨時也七月十六日至九月十五日茂時也九月十六日至十一月十五日漸寒也十一月十六日至正月十五日盛寒也如來聖教歲爲三時正月十六日至五月十五日熱時也五月十六日至九月十五日雨時也九月十六日至正月十五日寒時也或爲四時春夏秋冬也依論計之十五夜爲半月兩半月爲一月三月爲一時兩時爲一行一行卽半年六月也兩行爲一年二年半爲一雙此

法苑珠林卷一

十六

由閏故以閏月兼本月此謂月雙非閏雙也若以五年兩閏爲閏雙者二年半有一閏豈立隻乎積此時數明劫有四種一別劫二成劫三壞劫四大劫從人壽十歲漸至八萬歲經多時八萬歲又漸減至十歲爲一別劫對餘總故名爲別也若以事格量依雜阿含經云由旬城高下亦爾滿中芥子百年取一芥盡劫盡不說按此卽爲別劫也若據大劫卽以八十由旬爲量也樓炭經云以二串論劫一云有一大城東西千半南北四千里滿中芥子百歲諸天來下取一芥子盡劫盡末盡二云有一大石方四十里百歲

諸天來下取羅穀衣拂石盡劫猶未窮此亦應是別劫也第二有成劫四十壞劫亦爾所以然者世間成時二十別劫任時二十別劫壞時二十別劫空時二十別劫此中以住合成以空合壞故各四十別劫總此成壞合有八十別劫爲一大劫若更舒之別有六劫一別二成三住四壞五空六大若更束之則有三劫一小劫二中劫三天劫小則別劫中則成壞隨一大則總成與壞欲界中壽一劫是小劫初禪三天壽劫是中劫二禪已去壽劫是大劫外國俗筭有六十位過此已後不可數故名阿僧祇此數年爲劫數一

法苑珠林卷一

十七

至六十位名阿僧祇劫此是大劫量也故智度論經云以百由旬城爲量百年取一芥故喻以迦尸羅天衣百年一拂百由旬石爲量者此並格量劫也即按索訶世界^{舊云凌}一大劫中千佛出世每夫劫波之號不可以時數之故以假石芥城等准爲一期之候卽約前中具含成住壞空四劫也如前從十歲增至八萬復從八萬還至十歲經二十返一小劫二十小劫爲一成劫以年筭之則經八千萬億百千八百萬歲也止一爲小劫矣今成劫已過入住劫來復經八小劫釋迦牟尼如來於住劫中當第四佛尙餘

一〇

九百九十六佛於後續次而出依契法師西國傳云夫數量之稱謂踰繕那^{舊云由旬又曰踰闍踰繕那}者自古聖王一日運行也舊傳一踰繕那四十里矣印度國俗及三十里聖教所載唯十六里故毗曇論四肘爲一弓五百弓爲一拘盧舍八拘盧舍爲一由旬一弓長八尺五百弓長四百丈四百丈爲一拘盧舍一里有三百六十步一步有六尺含有二百一十六丈爲一里二里有四百三十二丈計前五百弓有四百丈爲一拘盧舍猶欠三十二丈不滿二里計一拘盧舍減有二里計八拘盧舍減十六里爲一由旬

法苑珠林卷一

十六

若依雜寶藏經一拘盧舍有五里計毗曇八拘盧舍爲一由旬含有四十里壞劫部第三依長阿含經云三災上際云何若火災起時至光音天爲際若水災起時至遍淨天爲際若風災起時至果實天爲際三災欲起時世間人皆行正法正見不倒修十善行此法時有人得第二禪者卽躡身上昇於空中住聖人道天道梵道高聲唱言諸賢當知無覺無觀第二禪樂人聞此聲已卽修無覺無觀身壞命終生光音天是時地獄眾生罪畢命終來生人

開復修無覺無觀得生光音天畜生餓鬼阿須倫乃至六欲皆生光音天爾時生地獄盡後畜生盡已次餓鬼阿須倫乃至他化自在天盡已然後人盡無有遺餘此世敗壞乃成爲災又順正理論云乃至地獄無一有情爾時名爲地獄已壞諸有地獄定受業者業力置他方獄中由此准知旁生鬼趣時人身內無有諸蟲與佛身同若時人趣此洲一人無師法然得初靜慮從靜慮起唱如是言離生喜樂甚樂甚靜餘人聞已皆入靜慮命終並得生梵世中乃至此洲有情都盡是名已壞瞻部洲人東西二洲例此應說北

法苑珠林卷一

五

洲命盡生欲界天由彼鈍根無離欲故生欲界天已靜慮現前轉得勝依方能離欲乃至人趣無一有情爾時名爲人趣已壞若諸天趣欲界六天隨一法然得初靜慮乃至並得生梵世中爾時名爲欲天已壞如是欲界無一有情名欲界中有情已壞若時梵世隨一有情無師法然得二靜慮從彼定起唱如是言定生喜樂甚樂甚靜餘天聞已皆入彼靜慮命終並得生極光淨乃至梵世中有情都盡如是名已壞有情世間唯器世間空曠而住餘方世界一切有情咸此三千世界業盡於此漸有七日輪現諸海乾竭

山洞然洲渚三輪並從焚燎風吹猛焰燒上天宮乃至梵宮無遺灰燼自地火焰燒自地宮非他地災能壞他地由相引起故作是說下火風飄焚燒上地謂欲界火猛焰上昇爲緣引生色界火焰餘災亦爾如應當知如是始從地獄漸滅乃至器世界盡總名壞劫又觀佛三昧經云天地始終謂之一劫劫盡壞時火災將起一切人民皆背正向邪競行十惡天久不雨所種不生依水泉源乃至四大駛河皆悉枯竭久之後風入海底取日上天城郭於須彌山邊置本道中長阿含經云其後久有大黑風暴起海水深諸四千由旬吹使兩皮取日宮殿置於須彌

法苑珠林卷一

千

取之法用雖然雜心論云劫滅之時由乾陀山後有七日輪住從彼而出又說云分一日萬七日一出時百草樹木一時彫落二日出時四大海水從百由旬乃至七百由旬內其水自然枯涸三日出時四大海水千由旬乃至七千由旬內水展轉消盡四日出時四大海水深千由旬五日出時四大海水縱廣七千由旬乃至竭盡長阿含經云五日出已其後海水遂至涸盡六日出時此地厚六萬八千由旬皆悉煙出從須彌山乃至三千大千刹土及八大地獄靡不燒滅煙盡無餘人民命終皆依須彌山及六欲諸

天皆悉命終宮殿皆空一切無常不得久住七日出
 時大地須彌山漸漸崩壞百千由旬永無遺餘山皆
 洞然諸寶爆裂煙焰震動至於梵天一切惡道皆悉
 蕩盡罪終福至皆集第十五天上十四天以下盡成
 灰墜新生天子未曾見此普懷恐懼舊生天子各來
 慰勞勿生恐怖終不至此人人命終生光音天以念
 為食光明自照神足飛行或生他土若生地獄地獄
 罪畢亦生天上若罪未畢復移他方無日月星宿亦
 無晝夜唯有大冥謂之火劫火災果報致此壞敗劫
 欲成時火乃自滅更起大雲漸降大雨滴如車軸是

法苑珠林卷一

三

時此三千大千剎土水遍其中及至梵天故論伽論
 云又語有情能滅壞業增上力故及依六種所燒事
 故復有六日輪漸次而現彼諸日輪望舊日輪所有
 熱勢踰前四倍既成七已熱遂增七云何名為六所
 燒事一小大溝坑由第二日輪之所枯竭二小河大
 河由第三日輪之所枯竭三無熱大池由第四日輪
 之所枯竭四大海由第五日輪及第六一分之所枯
 竭五蘇迷盧山及以大地體堅實故由第六一分第
 七日輪之所燒然即此火煙為風所鼓展轉熾盛極
 至梵世如是世界皆悉燒已乃至灰塵及與餘影皆

不可得從此名為器世間已壞滿足二十中劫如是
 壞已復二十中劫住云何水災謂過七火災已於第
 二靜慮中有俱生水界起壞器世間猶水滿此之
 水界與器世間一時俱沒如慈沒已復二十中劫住
 云何風災謂七水災過已復七火災從此無開於第
 三靜慮中有俱生風界起壞器世間如風乾支節復
 能消盡此之風界與器世間開已壞又依順正理
 論云此水火風三大災起過有情類令捨下地集上
 天中初火災興由七日現台說如是七日輪行諸如
 行分路旋運中間各相去五千踰繕那水災與

法苑珠林卷一

三

由降暴雨有作是說從三定湯空中歟然雨熱灰水
 有餘復說從下水輪起湧沸水上騰漂浸決定義者
 即此邊生後風災興由風相擊有作是說從四定湯
 空中歟然飄擊風起有餘復說從下風輪起擊風上
 際論云此決定義准前應知三災起時云何次第要
 先無開起七火災其次定應一水災起此後無開復
 七火災度七火災還有一水如是及三火災復
 有七火災後風災起如是經有八七火災一七水災
 一風災起水風災起皆次火災白水風災之起起
 故災次第理必應然何緣七火方一水災特先起天

壽勢故謂彼壽星極大劫故至第八方一水災山此應知要度七水八七火後乃一風災由遍淨天壽勢力故謂彼壽量六十四劫故第八八方一風災如諸有情修定漸勝所感異熟身壽漸長由是所居亦漸久住故毗曇論偈云

七火次第過 然後一水災 七火七水

復七火後風

又對法論云如是東方無間無斷無量世界或有將壞或有將成或有正壞或壞已任或有正成或成已任如於東方乃至一切十方亦爾如是若有情世間

法苑珠林卷一

三

若器世開業煩惱力所生枝葉煩惱增上所起故總名苦諦又雜心論問何故壞劫不至第四禪苔淨居天故彼無上地生卽彼般涅槃故亦不下生地非數滅故若彼任經壞劫者亦不然增上福力生彼處故內擾亂非故若彼地內有擾亂者則外有災患彼初禪內有覺觀火擾亂故外爲火災燒第二禪內喜水擾亂故外爲水災所漂第三禪內有出入息風擾亂故外爲風災所壞第四禪未曾有擾亂者何得不常苔刹那無常所壞故第四禪地不定相續隨彼天生宮殿俱起若天命終彼亦俱沒耳

成劫部第四

依起時經云爾時復經無量久遠不可計數日月時起大重雲乃至遍覆梵天世界既遍覆已注大洪雨其滴甚麤或如車軸或寶如杵經歷百千萬年彼雨水聚漸漸增長乃至天墍住世界其水遍滿然彼水聚有四風輪之所任持何等爲四一名爲任二名安任三名不墮四名牢住彼雨斷已復還自退下無量百千萬億由旬當於爾時四方一時有大風起其風名爲阿那毗羅吹彼水聚混亂不停水中自然生大沫聚大風吹沫擲置空中從上造作梵天宮殿微妙

法苑珠林卷一

三

可變七寶開成謂金銀琉璃瓊瑤赤珠碾磑礪有斯梵天世間出生彼大水聚復更退下無量百千萬億由旬如前四方風起名阿那毗羅由此大風吹擲水沫復成宮殿廳身天牆壁任如梵身天無異唯有寶色精麤異耳如是次造他化自在天展轉至夜摩天六天次第具足如梵天無異精麤異耳時彼水聚轉復減少乃更退下無量百千萬億由旬湛然停住食水聚中四方浮沫水上厚六十八億由旬周闔無量大風吹沫復造須彌山四寶所成復吹水上浮沫爲三十三天七寶所成又吹水沫於須彌山半腹之

間四萬二千由旬爲日月天子宮殿皆七寶成以是因緣世間便有七日宮殿安住現在又吹水沫於海水上高萬由旬爲空居夜叉造玻璃宮殿城郭亦爾又吹水沫於須彌山四面各去山一千由旬大海之下作四面阿脩羅城七寶莊嚴又復大風吹水聚沫造作餘大寶山如是展轉吹水沫過四大洲八萬小洲須彌山王并餘一切大山之外周市安置名大輪圍山高廣正等六百八十萬億由旬牢固眞實金剛所成難可破壞如是大風吹撼大地漸漸深入乃於其中置大水聚濕然停積以此因緣便有大海又起

法苑珠林卷一

五

世經云此大海水何因緣故如是鹹苦不堪飲食此有三因緣何等爲三一者從火災後經無量時起大重雲彌復凝住後降雨滴注滿世界彼大雨汁洗梵身天一切宮殿次洗魔天宮殿次洗他化自在天化樂天兜率天夜摩天宮殿洗已洗彼宮時所有鹹辛苦味悉皆流下次復洗須彌山及四大洲八萬小洲諸餘大山等如是洗時浸漬流蕩其中以是因緣令大海鹹不堪飲食第二此大海水大神大身眾生在其中住所有屎尿流出海中以是因緣其水鹹苦不堪飲食第三此大海水古昔諸仙曾所呪故願海成

其鹽味不堪飲食以是因緣令大海鹹不堪飲食又依順正理論云所言成劫者謂從風起乃至地獄始有情生謂此世間災所壞已二十中劫唯有虛空過此長時次應復有等住世成劫便至一切有情業增上力空中漸有微細風生是器世間將成前相風漸增盛成立如前所說風輪水輪金輪等然初成立大梵天宮乃至夜摩天宮復起風輪等是謂成立外器世間由有情力謂光淨久集有情天眾既多居處迫近諸福滅者應散居下此器世間初一有情極光淨發生大梵處空宮殿中後諸有情亦從彼歿有生梵

法苑珠林卷一

五

輔有生梵眾有生他化自在天宮漸漸下生乃至人趣後生餓鬼旁生地獄法爾後成壞必最初若初一有情生無間獄二十中成劫應知已滿此後復有二十中劫名成已任次第而起立世阿毗曇論云一切器世界起作已成時二種界起長謂地火兩界風界起吹火界蒸鍊地界風界極起吹一切物使成堅實既堅實已一切諸寶種類皆得顯現如是多時六十小劫究竟已度又長阿含經云此三及地爲四災四劫除地說三爲大劫唯未至第四禪爲淨居天故無上地可生卽於彼處涅槃亦不下生非數滅故變成